



Broj/Број: 01/6-50-1-8-2/07
Sarajevo/Сарајево: 22.2.2007.godine

Z A P I S N I K

2. sjednice Komisije za ostvarivanje ravnopravnosti spolova u BiH (u daljnjem tekstu: Komisija), održane 22.02.2007. godine, s početkom u 11,00 sati.

Sjednici Komisije prisustvovali slijedeći članovi Komisije:

- Vinko Zorić
- Halid Genjac
- Remzija Kadrić
- Sead Jamakosmanović
- Savo Erić

Sjednici opravdano nisu prisustvovali Jozo Križanović, Mirjana Malić, Rifat Dolić i Milica Marković. Sjednici je prisustvovao sekretar Komisije dr. Zijad Hasić

Za sjednicu je usvojen slijedeći:

Dnevni red:

1. Verifikacija zapisnika 1. sjednice Komisije
2. Razmatranje Orijentacionog radnog plana za 2007. godinu
3. Razmatranje Preporuka CEDAW Komiteta
4. Razmatranje Pisma Udružene žene Banja Luka i Agencije za ravnopravnost spolova Bosne i Hercegovine u vezi nepoštivanja Zakona o ravnopravnosti spolova u BiH pri imenovanju kandidata za Vijeće ministara BiH
5. Tekuća pitanja

Ad. – 1. Verifikacija zapisnika 1 sjednice Komisije

Nakon pozdravnih riječi i otvaranja svečane sjednice Komisije, predsjedavajući Komisije **Vinko Zorić** je predložio raspravu i izjašnjenje o zapisniku Komisije 1. sjednice.

Kako nije bilo diskusije o ovoj tački dnevnog reda, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 1. sjednice Komisije.

Ad – 2. Razmatranje Orijentacionog radnog plana za 2007. godinu

Nakon uvoda u ovu tačku dnevnog reda predsjedavajući Komisije, **Vinko Zorić** je predložio da se na Komisiji osmisli i donese Orijentacioni radni plan, koji će biti funkcionalan i objektivan. Ujedno je predložio da se Planom predvidi rasprava o Izbornom zakonu.

U raspravu o Orijentacionom radnom planu uključio se i **sekretar Komisije**, koji je opširno pojasnio kako donosimo ovaj akt i koja su dosadašnja iskustva u njegovom predviđanju.

Kada je u pitanju planiranje za mjesec mart, **predsjedavajući Komisije** je prihvatio ideju da se obilježavanje 8. marta nastavi kao praksa u Parlamentarnoj skupštini BiH, da se zakaže svečana sjednica, podijele cvjetovi ženama u Parlamentarnoj skupštini BiH, te izdvoje određena novčana sredstva za svaku ženu u Parlamentarnoj skupštini BiH. Ujedno je sitakao da on neće biti u mogućnosti da predsjedava ovom sjednicom, ali je predložio kao nosioca ukupne organizacije poslanicu Milicu Marković.

Savo Erić je predložio da se obave razgovori sa Agencijom i Gender centrima Federacije BiH i Republike Srpske, te naglasio kako je potrebno da svi budu ozbiljni kako bi se, ono što se odredilo, zaista i uradilo.

U diskusiji učestvovao je i **Sead Jamakosmanović**, koji je podržao predložene aktivnosti, ukazujući na potrebu realnog planiranja.

Predsjedavajući Komisije smatra da je potrebno da se iznese pitanje ekonomskih potencija i ravnopravnosti spolova u BiH.

Za april **Vinko Zorić** predlaže odlazak delegacije u Crnu Goru, za juli u Republiku Hrvatsku, a u decembru u Republiku Srbiju kako bi se sa susjedima obavili razgovori o unapređenju aktivnosti na ravnopravnosti spolova, a posebno na temu *mobing* – zlostavljanje žena na radnom mjestu.

Nakon pažljivog razmatranja Orijentacionog radnog plana, prihvaćen je njegov tekst, te je preporučeno da se tekst, nakon lektorisanja, dostavi Kolegiju na daljnju proceduru.

Ad – 3. Razmatranje Preporuka CEDAW Komiteta (Zaključnih komentara Komiteta za eliminaciju diskriminacije žena: Bosna i Hercegovina)

Otvarajući ovu tačku dnevnog reda, predsjedavajući Komisije je ukazao na značaj CEDAW konvencije, te predložio da sekretar Komisije pojasni Preporuke.

Sekretar Komisije je kratko izvjestio članove Komisije o značaju CEDAW Preporuka (Zaključnih komentara Komiteta za eliminaciju diskriminacije žena: Bosna i Hercegovina), koje je dostavio UN Komitet i ukazao na potrebu da se navedene preporuke i provedu putem državnih organa.

Nakon kraće diskusije i razmatranja Preporuka CEDAW Komiteta, članovi Komisije donijeli su zaključak:

Preporuke CEDAW Komiteta primaju se k znanju, te Komisija traži da svi organi u Bosni i Hercegovini prihvate ih i implementiraju odmah i u cijelosti. Obavještavamo Ministarstvu za ljudska prava i izbjeglice BiH, da je Komisija analizirala dokument, da ga prihvata a traži da svi drugi organi uključe se u njegovu implementaciju. Komisija traži da Ministarstvo, putem Agencije za ravnopravnost spolova redovno obavještava ovu Komisiju o realizaciji zaključaka CEDAW.

Ad – 4. Razmatranje Pisma Udružene žene Banja Luka i Agencije za ravnopravnost spolova Bosne I Hercegovine u vezi nepoštivanja Zakona o ravnopravnosti spolova u BiH pri imenovanju kandidata za Vijeće ministara BiH

U uvodu za ovu tačku dnevnog reda, predasjedavajući Komisije je ukazao na akt Udružene žene Banja Luka i Agencije za ravnopravnost spolova pod radnim nazivom «Poziv na poštovanje međunarodnih sporazuma i Zakona o ravnopravnosti spolova pri imenovanju kandidata za Vijeće ministara BiH». U tim pismima se traži aktivnost Komisije na utvrđivanju ravnopravnog broja kandidata/kandidatkinja na ministarska mjesta u Vijeću ministara BiH.

U raspravi o pismima koja je uslijedila, diskutovalo je nekoliko članova Komisije. Vezano za pisma **Halid Genjac** poziva sve subjekte da podstaknu političke stranke i druge političke faktore, na aktivnost provođenja ravnopravnosti spolova. Predsjedavajući Komisije, **Vinko Zorić** potom je saopštio da će se održati tematska sjednica na kojoj će se raspravljati i odlučivati o tome.

U diskusiji su učestvovali i drugi članovi Komisije.

Na kraju je zaključeno da se Komisija obrati podnosiocima pisma i da im iskaže saglasnost sa tekstovima, te da istakne obećanje da će ubrzo Komisija održati tematsku sjednicu na ovu temu.

Ad – 5. Tekuća pitanja

Po ovoj tački dnevnog reda nije bilo diskusija.

Kako nije bilo diskusija o ovoj tački dnevnog reda, predsjedavajući Komisije je završio njeno zasjedanje u 12,05 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Vinko Zorić